

humeris rotundatis nec prominulis nec plicatis, circa medium parum latiora, apice rotundata, dorso convexa; tota cinereo-pubescentia, vittis 2 l. 3 angustis fuscis vix determinatis, punctisque sparsis fuscis; in fundo irregulariter punctata. Corpus subtus investimento cinereo tectum, immaculatum, pedibus concoloribus, tibiis apice latioribus ut in affinibus.

D A L M.

241) L A M I A (D O R C A D I O N) S P I N O L Æ: atra nitida immaculata, vertice thoraceque rugosis, elytris punctatis sub-coriaceis.

Habitat in Hispania, a Dom. Dejean benevole communicata, nomine *Lam. nigra*. Mus. Schönherr.

Statura parva crassa *Lam. fuliginatoris*, tota aterrima glabra immaculata; a *Lam. morione* omnino distincta. Antennæ dimidio corporis parum longiores, nigrae, versus apicem certo citu fusco-cinerae. Caput cum ore atrum, nitidum, fronte rude-punctata, vertice punctato rugoso vix impresso. Thorax basi apiceque truncatus, utrinque spina valida sed non acuta armatus, supra convexus, punctis rudis confluentibus rugosus. Scutellum semicirculare, sub-impressum, nigrum, parum pubescens. Elytra marginata, basi truncata humeris parum prominulis rotundatis, convexa, apice singulatim rotundata, sub-coriacea, ad basin profunde versus apicem subtiliter punctata. Corpus subtus atrum, nitidum, subtilissime punctulatum, vix pubescens, pedibus concoloribus.

D A L M.

Mente venerabunda Illustrissimum Dom. Maximilianum Spinolam, auctorem celeberrimum "Insectorum Liguriae", colens hocce Insectum, nomine speciali *Spinolæ*, designare voluit SCHÖNHERR.

242) L A M I A (D O R C A D I O N) S C A B R I C O L L I S: elytris atro-holosericeis, sutura margine striaque albis; thorace rude punctato-rugoso; antennarum basi pedibusque rufis.

Habitat in Georgia Asiæ. Dom. Steven. Mus. Schönherr.

Statura magnitudo & summa similitudo *Lam. rufipedis* & *striata*, sed ab utraque distincta punctis thoracis multo majoribus, profundioribus & confluentibus, unde rugosum & inæquale evadit. Antennæ longitudine dimidii corporis, nigrae, articulo basali rubro,

Elytra testâ tomento brevissimo atro-sericeo, sutura margineque albis; ad costam lateralem stria longitudinalis intus alba, extus cervina, & intra illam & scutellum punctum basale albidum. Corpus subtus nigrum, pube albo-sericea vestitum. Pedes rubri albidopubescentes.

D A L M.

243) L A M I A (D O R C A D I O N) S T R I A T A: nigra, elytris cinereo-fuscis, sutura, margine, lineaque albis, vittisque atris; antennis & pedibus nigris.

Habitat in Caucaso. Dom. Steven. Mus. Schönherr.

Magnitudo statura & summa affinitas *Lam. rufipedis*; forma & proportio partium omnino ut in illa, modo thorax paullo convexior videatur. Antennæ nigrae immaculatae. Caput & thorax nigra, punctata, investimento fusco l. fusco-cinerascente obducta, lineola media longitudinali alba. Scutellum semi-ovale nigrum, pube alba aut tectum, aut saltem ciliatum. Elytra quoad formam costesque ut in *L. rufipede*, nigra, testâ investimento e pube brevissima depressa fusco-cinerascente; sutura tota, ipse margo, & stria juxta costam lateralem, albæ; intra suturam & costam vittæ duæ l. tres atro-sericeæ, exteriores abbreviatæ, suturalis integra. Corpus subtus nigrum, parcius albidopubescentibus, pedibus concoloribus.

D A L M.

244) L A M I A (D O R C A D I O N) C R U X: atra, capite thoraceque albo-lineatis; elytris holosericeis, sutura vittaque interrupta albidis; antennis pedibusque obscure castaneis.

Habitat — — — Mus. Schönherr.

Statura *L. lineata* & fere magnitudine ejus; cruce holosericea elytrorum, vitta lactea interrupta, benedistincta. Antennæ dimidio corporis vix longiores: articulo primo crasso obconico, secundo parvo subrotundato, 3-7 obconicis ad apicem dilatatis, ceterisque cylindraceis, angulis externis acute prominentibus, obscure castaneis, brevi pube albida. Caput punctatum, atrum, pube albida, macula verticali holosericea, linea longitudinali impressa alba, inter oculos latiore. Thorax scabro-punctatus, dorso depresso canaliculato, & spina utrinque valida acuta, niger, supra holosericeus linea dorsali alba, subtus albo-sericeus. Scutellum parvum holosericeum, albo-lineatum. Elytra thorace plus tri-